

Dé dla Cultura Ladina

En vëndres ai 2 de otober 2009 vëgnel tignì tl Istitut Ladin “Micurà de Rü” a San Martin le “Dé dla cultura ladina”. L’argomënt de chësc ann é: “La idea dla liberté te n tēmp che se müda (1809-2009)”. Organizé vëgn le dé dal Assessorat por la Scora y Cultura Ladina.

Cultura - Tl ann de comemoraziun 2009 se recorda i paìsc y i comuns dl Tirol storich di avenimënc dl 1809. Sot al moto “La storia s’incunta cun le dagnì” vëgnel porvè de cherié n liam danter le passè y le dagnì, danter la tradiziun y la modernité. Al vëgn tignì dui referac: le prof. Siebenrock jarà ite sön la importanza dla devoziun al Sacher Cör de Gejù dal mëteman dal 19ejim secul cina aldedaincö, le dot. Albert Videsott presenterà indere la situaziun di ladins tles veres de liberaziun dl Tirol.

Dedò gnaràl fat na mësa torona cun Florian Mussner, Moreno Kerer, Hugo Valentin y Albert Videsott, sön le valor de liberté te nosta sozieté.

Program

Le Dé dla Cultura Ladina, che vëgn tignì ai 2 de otober tl Istitut Cultural Ladin “Micurà de Rü” a San Martin à chësc program:

Dales 17.00 gnarà la manifestaziun daurida dal Presidënt dla Junta Provinciale

Luis Durnwalder y dal assessur por la scora y la cultura ladina Florian Mussner. Incër les 18.00 saràl spo chisc referac:

- Roman A. Siebenrock, professor universitar: “Chestiuns de cör: la importanza dla devoziun al Cör de Gejù danter le 1809 y le 2009”;

- Albert Videsott, direttur dles scores altes da La Ila: “I ladins y les veres de liberaziun dl Tirol”. La cornisc musicala ala manifestaziun gnarà pitada dal grup “Pinzimonio Vocale”.

Le valor dla liberté

Incër les 19.00 saràl na mësa torona cun Florian Mussner-assessur por la scora y cultura ladina, Moreno Kerer - direttur dl Istitut Cultural Ladin “Cesa de Jan”, Hugo Valentin - presidënt dl Istitut Cultural Ladin “Micurà de Rü”, Albert Videsott - direttur dles scores altes da La Ila. La mësa torona vëgn moderada da Alexander Stuffer.

Co éra pa cun le “valor de liberté” te nosta sozieté? Co s’à pa mudè le “valor de liberté” cun le

jì dl tēmp?

An po odèi la liberté te n gröm de manires. Liberté sciöche assistënza da pert dl stat (liberté dal bojëgn), o liberté politica (democrazia) o liberté personala, liberté de aziun y de dezijiun. Podunse ciamò nes aspetè tla sozieté d’al dedaincö dales zitadines y dai zitadins che an sais da s’avèi sot a control y da se manajé instësc o é les porsones a òna, te n tēmp olache al crësc le bojëgn do na segurëza interiura, de azetè de maius limitaziuns?